



“Hezkuntza, bestela esateko, nork bere burua etengabeko kultura ekoizpen batean inplikatu eta baieztatzeko momentu jarraikia eta inoiz bukatugabea da”

(Ellsworth, 2005: 145)

Huarte Zentroak arreta berezia jartzen du hezkuntza komunitatea eta komunitate artistikoa lotzeko aukera ematen duten prozesuak sortzean, jardun eraldatzaile batetik; esploratzeko dauden heziketa aukera berriak bilatu eta abiaraztea dakarrenetik, hain zuzen.

Asmo horrekin estreinatzen dugu hezkuntza eskaintza berria. Bertan, jada lehendik gauzatzen ari ginen irakaskuntza prestakuntza proposamenak, hala nola **VACA Proiektua**, ikasgelekin edo eskolekin ekintza zuzenak egiteko proposamen berriekin konbinatzen ditugu; **“A3”** eta **“Eskola Lurraldea”**.



A3

Hezkuntza formalaren barneko edozein hezkuntza mailatara zabalik dagoen deialdi bat da. Haren bidez lortu nahi da toki bateko hezkuntza arloaren eta arlo artistikoaren arteko ezagutza trukea sortzea, biak ala biak aberasteko bidea emango duena.

Gure lurraldearekin etengabeko harremanean dagoen sorkuntza, ekoizpen eta esperimentazio zentro moduan, ahalbidetu nahi dugu hezkuntza proiektuak sortzea eskolekin, tokiko artistekin lankidetzan arituta.

NORENTZAT DEN

Ondokoa lortu nahi duten Haur, Lehen eta Bigarren Hezkuntzako irakasleentzat:

- beren curriculum edukiei begirada bat ematea arte garaikidetik;
- esperientzia estetiko bat bizitzea, erakunde artistiko batekin elkarlanean;
- ezaqutzara hurbiltzeko eta hura eraikitzeko beste modu batzuk ikertzea.

ZER ESKAINTZEN DEN

Talde bakoitzeko 4 lan-saio hartzen dituen proiektu bat da.

- Aurreneko saioa irakaslearen eta Huarte Zentroko hezitzailearen arteko bilera bat da. Zehazki, proiektuaren helburu zehatzak eta hurrengo saioak egiteko egunak ezarriko dira bileran.
- Ikasgelan saio bat egingo da, Huarte Zentroko hezitzailearen kontu. Gaiaren, proposamenaren edo prozesuaren sarrera egingo zaie ikasleei, irudien irakurketaren, ekintza bat egitearen edo tailer txiki baten bidez.
- Saio bat egingo da Huarte Zentroan, proiektu zehatzerako aukeratutako tokiko artista baten kontu.
- Azken saioa ikasgelan egingo da, eta bertan, kasu bakoitzaren arabera, taldeak proiektuari jarraipena ematea edo ez planteatuko da.

IZEN-EMATEA ETA AURKEZTU BEHARREKO DOKUMENTUAK

Ikasturte bakoitzeko, gehienez ere, 20 talde hartuko dira, eta izena eman eta formularioa zuzen bete duten ordenaren arabera hautatuko dira.

Izena emateko, mezu elektronikoa bidali behar da educacion@centrohuarte.es helbidera eta formularioa eskatu behar da.

Argibide gehiagotarako, jo www.centrohuarte.es webgunera.



Eskola Lurraldea

Nafarroako ikastetxeetarako deialdi bat da, hezkuntza berrikuntzako proiektu bat hautatu eta garatzeko, hartan, ikasturte batean, eskolaren eta lurraldearen arteko erlazioa jorratzeko.

Deialdiaren oinarriak 2017ko azaroan emango dira argitara, eta proiektu irabazlea, aurreneko edizio honetan, 2018ko urtarrila eta ekaina artean abiaraziko da.

NORENTZAT DEN

Nafarroako ikastetxe eta hezkuntza zentroetarako. Hain zuzen ere, kasu hauetakoren batean dauden 3 irakasle edo gehiagoko lan-talde bati egiten zaio proposamena:

- Haur edo Lehen Hezkuntzako ziklo bereko irakasleak edo Bigarren Hezkuntzako sail didaktiko bereko irakasleak.
- Ikastetxe bereko irakasleek eratutako talde multidisziplinarioa.
- Ikastetxe desberdinetako irakasleek eratutako talde bat.

ZER ESKAINTZEN DEN

Huarte Zentroak giza baliabideak, teknikoak eta materialak jarriko ditu (3.000 euroko balioa dutenak) hautatutako proiektuaren esku, garatu ahal izateko.

IZEN-EMATEA ETA AURKEZTU BEHARREKO DOKUMENTUAK

Azaroaren 20tik aurrera (aurreikusita dagoenez, egun horretan emango dira argitara deialdiaren oinarriak), gure webgunean aurkituko den formulario bat beteta edo educacion@centrohuarte.es helbide elektronikora mezua bidalita eman beharko da izena.



VACA Proiektua. Seigarren edizioa

Vaca Proiektua heziketa proiektu bat da, Bitartean Arte y Educación elkartearekin elkarlanean garatua. Bertan, elkarrekin ikasteko eta hezkuntza komunitatearen barnean sareak sortzeko gune bat sortzen dugu. Arte garaikidea hartzen dugu abiapuntu, irakaskuntzako lana garatzeko edo hartan aurrera egiteko balio diguten prozesu batzuk eraikitzeko tresna den heinean, ikasgelan proiektu artistikoak garatuta, gure tutoretzarekin.

NORENTZAT DEN

Haur, Lehen eta Bigarren Hezkuntzako eta irakaskuntza ez formaleko irakasleentzat, hau lortu nahi dutenentzat:

- curriculuma hedatzea artea ikasgeletara gerturatuta prozesu, eduki eta formatu moduan;
- prestakuntzako beharren eta interesen gune katalizatzaile bat sortzea taldean;
- esperientzia estetiko bat bizitzea, erakunde artistiko batekin elkarlanean;
- hezkuntzako lanaren garrantzia nabarmentzea, ikasgelatik harago doan kultura ekoizle gisa;
- ezagutzara hurbiltzeko eta hura eraikitzeko beste modu batzuk ikertzea.

ZER ESKAINTZEN DEN

Proiektu esperimentala da arteen didaktikaren esparruan gure komunitatean, elkarri estu lotuta dauden bi testuingurutan garatzen dena, ikasturtean, urri eta ekain artean:

- Huarte Zentroan bospasei saio egiten dira, irakasleekin eta gonbidatuekin batera (artistak, erakusketen komisarioak...), eta haietan alderdi jakin batzuen gaineko prestakuntza hartzen dugu, erreferente artistikoak ematen ditugu, arazoak planteatzen ditugu eta tresna berriak sortzen ditugu.
 - Ikasgeletan, irakasle bakoitzak, bere ikasleekin edo hezkuntza komunitatearekin batera, arte proiektu bat garatzen du, kultura bisualarekin eta arte garaikidearekin lotuta. Bitartean elkarteko hezitzaile bat prozesu horren tutorea da, eta erreferente bisualak eman edo ikasgelan une jakin batean laguntza eman ahal izango du.
 - Era berean, une zehatz batzuetan, artista batek esku hartuta lagundu dezake ikasgelako prozesua, dela tailer bat planteatuta, dela aholkularitza teknikoa emanda.
- Irakasleei Laguntzeko Zentroaren etengabeko prestakuntza eskaintzaren barnean dago.

IZEN-EMATEA ETA AURKEZTU BEHARREKO DOKUMENTUAK

Izen-ematea bi modu hauetan egin behar da:

- Hezkuntza formaleko ikastetxe bateko irakaslea izanez gero, Irakasleei Laguntzeko Zentroaren bidez egin behar da. (<http://formacionprofesorado.educacion.navarra.es/web/inscripciones-2/>)
- Talde sozial bateko hezitzailea izanez gero, mezu elektroni koa bidali behar da educacion@centrohuarte.es helbidera.



Hezkuntza artistikoa, kultura ekoizpen moduan

Irakasleentzako prestakuntza mintegia, Irakasleei Laguntzeko Zentroarekin elkarlanean egiten dena.

Elkarrizketarako eta gogoetarako gune gisa planteatzen da, garatzen diren testuinguruan eragina izateko kultura ekoizpen moduan uler litezkeen hezkuntza prozesuak garatzeko haren bidez.

NORENTZAT DEN

Haur, Lehen eta Bigarren Hezkuntzako eta irakaskuntza ez formaleko irakasleentzat, hau lortu nahi dutenentzat:

- eskolak elkarlaneko jardunbide artistikoak zein modutan erabil ditzakeen zehaztea;
- ikaskuntza-irakaskuntza prozesuak kolektibizatzea;
- eskola curriculum-a hedatzea, hezkuntzako prozesuak gure testuinguruko esperientzia, arazo eta erronketara gerturatzeko;
- ikasgelan arte garaikidea sustatzea, zeharkako tresna gisa.

ZER ESKAINTZEN DEN

Mintegiak lau saio hartzen ditu barnean, aurrez aurrekoak, irailaren 18 eta 19an, eta urriaren 2 eta 3an egingo direnak, 17:00etatik 20:00etara, Huarte Zentroan.

Hezkuntza artistikoko teoriak landuko ditugu, ekintza eta esku-hartze artistikoko proposamenen eskutik. Proposamen horiek ikasgelan sortzen dira eta kanpokoarekin nahasten dira.

Pentsabide eta arte garaikidera hurbiltzeko estrategiak planteatuko ditugu, beste erakunde eta testuinguru batzuen adibide jakinak abiapuntu hartuta, elkarlanean diseinatzeko ikasgelan egiten dugun eguneroko lana aberasteko proposamenak.

Hartara, oinarrian esperientziak eta jakintzak sortzea duten hezkuntza proposamenak diseinatuko ditugu, ikasgelaren eta eskolaren beraren muga gaindituko dutenak gure testuinguruen agindura dauden kultura ekoizpen bihurtzeko.

IZEN-EMATEA ETA AURKEZTU BEHARREKO DOKUMENTUAK

Izen-ematea bi modu hauetan egin behar da:

- Hezkuntza formaleko ikastetxe bateko irakaslea izanez gero, Irakasleei Laguntzeko Zentroaren bidez egin behar da. (<http://formacionprofesorado.educacion.navarra.es/web/inscripciones-2/>)
- Talde sozial bateko hezitzailea izanez gero, mezu elektronikoa bidali behar da educacion@centrohuarte.es helbidera.

